

## 7 | DIABETES MELLITUS SAMINOR-SUOKANIJN

*Ann Ragnhild Broderstad, Ali Naseribafruei, Bjarne K. Jacobsen ja Marita Melhus*



Gåvå: Praisaeng/Mostphotos.com

### Tjoahkkájgæsos

Diabetes mellitus (sâhkârdávdda) la kronihkalasj ábnasmálssomskihpudahka gâ varán la ilá alla sâhkârsisadno. Jus rubmaha sella galggi nahkat sâhkârav bajás válldet ja boalldet de dárbahti insulijnav. Gâ la diabiehtta sládja 2 de ij rubmaha ietjas insulijnna nuohkás buoragit dâjma. Navti edna sâhkâr varán báhtsá. Danen diagnâvsâv biedjá navti jut varrasâhkârav mihti. Vuorastuvvat, buojddot, ij buorre biebmojt bârrát jali ij heva labudit li ájnas sivá gâ nágina oadþju diabiehtav sládja 2, ja duodden li giená ájnnasa. Diabiehtta sládja 2 lassán jáhtelit værâldin, ja skihpudahka la aj viek dábálasj Vuonan.

SAMINOR-guoradallama baktu lip gehtjadam makta diabetes mellitus gávnnu sáme bájkijn, sierraláhkáj diabiehtta sládja 2. Sáhkárdásse varán le guovte láhkáj mihttidum: plássmáglukávssá (varrasáhkár) (sihke SAMINOR 1 ja SAMINOR 2) ja HbA1c (guhkesájggásasj varrasáhkár) (dássju SAMINOR 2) Duodden gatjádalájma oassálasstíjs gatjálvissjiemá baktu jus siján lij diabiehtta.

Dát kapital ávddánbuktá ájnnasamos diabiehtta-gávnusijt SAMINOR-guoradallamis ja la ienemusát Ali Naserafruei dáktárgráda milta jages 2019. Båhtusa vuosedi li baldedahtte alla diabiehttallá mijá moattetjerdak álmmuga gaskan nuorttan. Muhtem suohkanij li badjel 10 % viesádijn áldarin 40–79 jage diabiehtta sládja 2. Diabiehtta la dábálasj sihke nissenij ja álmmáj gaskan, lehkusa sáme jali ælla. Muhtem analijsa vuosedi muhtem mudduj la ienep diabiehtta ja ávddådiabiehtta (ávddål oadtu diabiehtav) sámij gaskan, valla ábbálattjat ælla heva sieradusá sámij ja ietjá viesádij gaskan sáme árrombájkijn.

## Duogásj

Kronihkalasj ielemuohkeskihpudagá li ávddánam globála epidemijjan sihke Vuonan ja væraldin ietján. Buojkulvisá kronihkalasj ielemuohkeskihpudagája li tsáhkeskihpudagá degu tsáhkehávve ja tsáhkekrámpa, diabetes mellitus sládja 2, vuojñjamslága, kronihkalasj obstruktívna gæhppáskihpudahka (KOLS) ja bárredávddaskihpudagá. Moaddása pasienta gudi varresvuodadievnastusájs viehkev ánodi li diagnostisieridum avtajn jali ienep ielemuohkeskihpudagáj, diabetes mellitus sládja 2 la stuorra oasse dajs.

Værálda álggoálmmuga viessu ienemus oassáj unneplähkoálmmugin ietjasa árromsajjin, ja duot dát varresvuohedadus la vuosedam álggoálmmuga værıldav miehtáj viessu rasjep varresvuodajn ja sosiála dilij vuolen gá ieneplähkoálmmuk (1,2). Moadda stuorra dutkama li duodastam álggoálmmugij ja unneplähkoálmmugij gaskan li edna ielemuohkeskihpudagá, vájku dá skihpudagá áttjak li jávsádam dájda juohkusijda gá buohtastahttá ländaj ieneplähkoálmmugij (1). Ielemuoge ja iellemævtoj rievddam li ávddán biejadum ájnas tjielggidussan gá skihpudagá ja moadda varresvuohaintindikáhtura li alla dásen. SAMINOR-guoradallama diehti diehlep ienep dan birra man dábálasj diabetes mellitus la sáme árromguovlojn vuona biele Sámen, sierraláhkáj diabiehtta sládja 2. Dát kapital gávvit dutkama gávnusijt.

## Mij la diabetes mellitus?

Diabetes mellitus (sáhkárdávdda) la kronihkalasj ábnasmálssomskihpudahka gá varán la ilá alla sáhkársisadno (alla dásse glukávssá plásmán). Rubmaha sissjeluhá dárbahi sáhkárv boalldemussan, ja jus sáhkár galggá bessat iesjenga sellaj sisi, de hæhttú insulijnnahormávnná “uvsv tsaggat”. Gá insulijnna vájllu jali gá la “vihke pártán”, de skihppá diabetes mellitusis (álu dássju nabdeduvvá diabiehtta, degu mij aj dán kapihtalin dahkap) Dábálamos diabiehtta slája li sládja 1 ja sládja 2. Pasienta gejn la diabiehtta sládja 1 e nagá insulijnnav

buvtadit ja danen hæhttuij insulijnav rubmahij vaddet iellema tjadá. Skihpudahka álu álggá mánna vuodan juo, valla máhttá aj badjánit állessjattugij gaskan. Ep vissásit diede manen nágina oadtu diabiehtta sládja 1. Diabiehtta sládja 2 la viek állo dábálabboj vuostasj slájas, ja dan sivva la jut rumáj dárbaj ienep insulijnav gá majt rumáj iesj nahká dahkat, danen gá insulijnna nievrebust doajmmá (dát gáhtjoduvvá insulijnna resistænssan). Moadda sivá li gá nágin oadtu diabiehtav sládja 2. Risska la viek alebun jus lahka fuolkijn la skihpudahka, ja risska aj lassán álldara milta. Duodden li buojjduahka, biebmo ja gá ij heva labuda ájnnasa. Danen gáhtjoduvvá iellemvuohkeskihpudahkan.

## Gáktu diagnositisieri diabetes mellitusav?

Diabetes mellitus-diagnåvsså biejaduvvá gá mihti varrasåhkårv (plássmá-glukåvsså) ja/jali guhkesájggásaj varrasåhkårv, HbA1c, mij la varraåtsálvis mij mihti gasskamær-rásaj varrasåhkårdásev gávtse gitta lägenanguovte vahkoj badjel (3). Gá adná HbA1c de pasiènnta ij dárbaha nælggot ávddål mihti, ja båhtusa e ga målsø biejes bæjvváj.

Varresvuodadirektoráhtta oajvvat diabiehtta-diagnåvsså biejaduvvá gá:

1. Guhkesájggásaj varrasåhkår (HbA1c)  $\geq 48$  mmol/mol (6,5 %) jali
2. Bårák plássmá-glukåvsså  $\geq 7,0$  mmol/L jali
3. Plássma-glukåvsså  $\geq 11,1$  mmol/L guokta tijma orála glukåvssågierddamåtsálvisá (såhkårgierddamåtsálvisá) manjnela.

2012 rájes la Varresvuodadirektoráhtta oajvvadam adnet HbA1c  $\geq 6,5$  % gá galggá biedjat diabiehtta-diagnåvsåv. Sierraláhkáj diabiehtta sládja 2 diagnositisideruvvá HbA1c baktu. Jus oadtu árvov mij la badjel 6,5 %, de dat galggá duodastuvvat nuppe varraåtsálvisá tjadá ávddål diagnåvsåv biedjá. Jus náginin la plássmá-glukåvsså  $\geq 11,1$  mmol/L varraåtsálvisán (bårák jali ij) ja jus sujna duodden li diabiehtta-sympåvmå, de ij dárbaha ádå varraåtsálvisáv ávddål diagnåvsåv biedjá. HbA1c aneduvvá aj vuogas vædtsagin sihke klinikhkalasj práksisin ja dutkamin (4).

Såhkårjáhtulagá hiemsse (såhkåra smávvima vánesvuhta) gáhtjoduvvá ávddådiabiehtta ja boahá álu ávddål diabiehtta sládja 2. Diagnåvsså ávddådiabiehtta biejaduvvá jus HbA1c la birrusij 40 mmol/mol (5,7 %) gitta 47 mmol/mol (6,4 %). Siján gejn la ávddådiabiehtta la alep risska diabiehtav oadttot, valla jus iellemvuogev rievddi (duola degu bårråma binnedime ja ienep labudallama baktu), de máhttá dát risska unnut.

## Mij dáhpáduvvá gá dujna la diabiehtta sládja 2

Diabiehtta sládja 2 mij ij giehtadaláduvvá merkaj edna alvos dile dassta tjuovvu, degu tjal-medisvuhta, mánemvihke, tsåhkeskihpudagá, vuojñjamslága ja juolggeháve. Hieredibme,

árra diagnostisierim ja buorre giehtadallam la viehka ájnas váj garvvá dájt várálasj ássijjt ma máhti tjuovvot.

## Man dábálasj la diabiehtta Vuonan, værálđin ja álgoálmmugij ja unneplähkoálmmugij gaskan?

Varás rappárttå Vuonas merustallá suláj 330 000 ulmutjin la diabiehtta (sládja 1 jali sládja 2) (5). Dát merkaj suláj 6 % Vuona álmmugis skihpi diabiehtajn. Árvvedip 60 000 sijájs e diede siján la diabiehtta, dat merkaj dat ij la ájn diagnostisieridum (5). Áldarjuohkusin 30–89 jage árvvedip gaskan 6,8 % ja 7,5 % li skihppen diabiehtajn (5). Diabiehtta sládja 2 la ållu dábálamos diabiehtta-skihpudahka. Birrusij 90 % sijájs, gudi li diabiehtajn skihppen, skihpi dájna slájajn. Diabiehtta sládja 2 la mierredum epidemijalasj skihpudahkan ríkjagasskasat-tjat danen gá dat nav oabllu ja lassán. The International Diabetes Federation (IDF) merustaláj jagen 2019 birrusij 463 millijávnå værálđa állessjattugijn lij diabiehtta ja dát lâhko la jáhtelit lassánime (6,7). Jagen 2045 merustaláuvvvá værálđin li 700 millijávnå ulmutja diabiehtajn værálđin, ienemus lassánimijن Oarjelulle-Ásián ja Afrikan. Sæmmi båttå árvvedi hæjop ríkjain viessu nieljes juohkka vidádis gejn la diabiehtta valla e dav ájn diede (6,7).

Vájku Vuonarijkka la boandás lánnda buorre varresvuodafálaldagájn gájka viesádjda, de ajtu diabiehtta lassán dáppe aj, vájku ij sæmmi ednagit degu moatten hæjos lándan. Miellagiddis la gal gá nágín dáhtáj milta ij desti diabiehtta sládja 2 risska lassána Vuonan, valla danen gá sjaddi ienep vuorrasa álmmugin, de oasse vuonarijkagis gejn la diabiehtta ajtu sjaddá lassánit boahtte jagijt (5,8). Gá sjaddi nav edna vuorrasa de li manemus 30 jage sjaddam gálmmá gierde lassánibme diabiehtta sládja 2 pasientajs, dát merkaj dávk diabiehtta sládja 2 pasienta oadtju buorre giehtadallamav ja máhti guhkijt viessot ietjas kronihkalasj iellemvuohkeskihpudagájn.

## Majt lip gávnnam SAMINOR guoradallamin?

### Diabetes mellitus diagnostihkalasj vædtsaga SAMINOR:an

Varraatsálvisá váldeduvvin ja gatjádijma diabiehta birra gatjálvíssjiemájn sihke SAMINOR 1 ja SAMINOR 2 – klinihkalasj guoradallama aktijuodan (dássta duohku gáhtjudip ber manemusáv SAMINOR 2). SAMINOR 1 diagnostisierijma diabiehtta iehpe-bárák varrasáhkára (plássmá-glukávsså) ja iesjdiededum diabiehta baktu. Ij lim vejulasj ieredit diabiehtta sládja 1 ja sládja 2 gaskan danen gá ejma jur dav gatjáda, valla ienemusájn la diabiehtta sládja 2 degu badjelin lip tjielggim. SAMINOR 2 guoradallamin duodden mihtiduváj HbA1c (guhkesájggásasj varrasáhkár). Gá duodden válldá fáron HbA1c mihttimav, duodden iehpe-bárák varrasáhkárij ja diedojda majt ietja li buktám, de oadtju ájn buorep vuodov diabiehtta-diagnostisierimij. SAMINOR 2 gatjádalájma aj oassálasstíjs makkir diabiehtta sládja siján lij, váj besajma dárkkelit guoradallat jur diabiehtta sládja 2. Tabælla 1 vuoset makkir vædtsaga aneduvvin diabiehta diagnostisierimij SAMINOR 1 ja SAMINOR 2 aktijuodan.

	Gatjálvissjiemá baktu diededibme	Iehpe-báråk varrasähkär	HbA1c	Diabiehtta-sládja
SAMINOR 1	Juo	Juo	Ij	Diabetes mellitus (gájka slája tjoahkkidum)
SAMINOR 2	Juo	Juo	Juo	Vejulasj ieredit diabiehtta slája 1 ja slája 2 gaskan


Tabælla 1: Góktu diabiehtta diagnåvsåv bieajarma SAMINOR:an.

### Diabiehtta SAMINOR 1 guoradallamin

Diedo SAMINOR 1 (2003–2004, 24 suohkana, áldar 36–79 jage) vuosedin edna viesáda sáme árromguovlojin lidjin skihpasa diabiehtajn (gájka slája tjoahkkidum), valla ábbálattjat ællim sieradusá sámij ja ietjá oassálasstij gaskan mij guosská man dábálasj diabiehtta la (9–11). Guovloj gaskan val lidjin sieradusá, sáme Oarjjelij-Råmså guovlos oarjás Nordlánda ja Trøndelága oarjjelsáme guovlojda lidjin ienep skihpasa diabiehtas ja ávddådiabiehtas gå dáttja sæmmi guovlon, madi sáme ålmmå Sis-Finnmárkon (Guovdageaidnu/Kárášjohka) ællim sæmmi skihpasa gå dáttja ålmmå (11). Ietjá guoradallam dáhtáj dåssju SAMINOR 1 (2003–2004, 24 suohkana, 36–79 jage) sáme oassálasstij vuosedi sámij gaskan gudi árru guovlojn gánnå sáme li unneplågon (Råmsân, Nordláandan, Trøndelágan ja Finnmárko merragáttien), lidjin nággin ienebu gudi ietja diabiehttagav diededin sijáj gaskan gudi lidjin tjerdalattjat badjelgehtjaduvvam gå buohtastahttá sijáj gudi ællim tjerdalattjat badjelgehtjaduvvam (12). Sæmmi bále vuosedin gávnusua iesjdiededum diabiehttagiehtadallamis jut ienep sáme nissuna válldin tablehtajt diabiehta vuosstij gå rivggo (10).



### Diabiehtta SAMINOR 2 guoradallamin

Gåvos 1 vuoset gallásin la ávddådiabiehtta ja diabiehtta sládja 2 sjierve, álldara ja tjerdalasjvuoda milta SAMINOR 2 guoradallamin (2012–2014, 10 suohkana, álldara 40–79 jage). Ábbálattjat lidjin analíjsan 5878 ålmmå ja nissuna. Sámij gaskan lij ábbálattjat vehi ienep dábálasj diabiehtta sládja 2:ijn gå dáttjaj gaskan (13). Gå álldara milta duolli gallásin la diabiehtta sládja 2, de lidjin 10,8 % sáme ålmmájn ja 9,5 % dáttja ålmmájn gaskan. Nissunij gáktuj lidjin sæmmi lágo 8,6 % ja 7,0 %. Ávddådiabiehtasis lij állo, gå álldara milta duolli de lij dat 37,9 % sáme ålmmájn, 31,4 % dáttja ålmmájn gaskan ja 36,4 % ja 33,5 % sáme nissunij ja rivggoj gaskan. Dát merkaj ienep gå nælljásin juohkka lâgev oassálasstij lij diabiehtta sládja 2 jali ávddådiabiehtta, mav galggá mårrahít. Jus válldá fárruj HbA1c gå galggá árvustallat jus nággin la diabiehtta jali ij, laset vejulasjvuodav jut diagnostisieri ienep ulmutijjt diabiehtajn. Ihkap osse sivás manen SAMINOR 2 guoradallamin lidjin ienebu diabiehtajn gå buohtastahttá SAMINOR 1:ajn.



Gåvos 1: Oasse (%) avddådiabiehtaj ja diabiehttta sládja 2:iin sjierve, álldara ja tjerdalasjvuoda milta. SAMINOR 2 (2012–2014). Gåvos la dagódum tabella milta mij la dáppe almoduvvam: Naseribafrouei et al. (13), <https://doi.org/10.1080/22423982.2018.1463786>, © Forfattere, lisensiert under CC BY 4.0.

HbA1c la buorre miutto gå galggá merustallat man dábalasj diabiehttta sládja 2 la. Ietjá vejulasjvuhta la adnet diedojoit Álmmukvarresvuodainstituhta Norgeshelsa statistikhkabánkas (<http://www.norgeshelsa.no/norgeshelsa/?language=no>). Statistikhkkabánkan gávnna statistikhkav varresvuoda, skihpudagáj ja risskafaktávráj birra, duola degu diedo Reseptregisstaris makta dálkkasa li aneduvvam diabiehttta sládja 2 giehtadallamij. Dán statistikhkkabánka baktu máhttá gávnnat galles giehtadaláduvvi diabiehttta sládja 2 diehti gájka Vuona suohkanij. Navti gávnnuji de guokta dáhtágaldo ma máhhti vaddet diedojoit diabiehttta sládja 2 oablloma birra SAMINOR 2-suohkanij. Návti máhttá buohastahttet dav oasev gejna lidjin HbA1c  $\geq 6,5\%$  (mij merkaj sij ållidi diabiehttta sládja 2 diagnåvså gájbbádusájt) SAMINOR 2:en tállaj Reseptregisstaris birrusij sämmi ájge. Gåvos 2 vuoset man stuorra oasen lij alla HbA1c (HbA1c  $\geq 6,5\%$ ) vuosedom SAMINOR 2:en ja galles (álldarin 30–74 jage) giehtadaláduvvini diabiehttta sládja 2 diehti ájggudagán 2012–2014.



Ĝâvos 2: Man stuorra oasen lij alla HbA1c (HbA1c  $\geq 6,5\%$ ) vuosedum SAMINOR 2:en ja galles giehtadaláuvvin dálkkasijt diabiehta sládja 2 diehti ájggudagán 2012–2014.

Reseptregisstara lågo vuosedi dan låge SAMINOR 2-suohkanviesádij gáktuj áldarin 30 gitta 74 jage ællim sæmmi álos gudi oadtjun dálkkasijt diabiehtta sládja 2 diehti gá buohtastahttá galles diagnávsåv oadtjun HbA1c-mihttimij baktu SAMINOR 2:en. Vargga gájka suohkanijn guoradallamin lidjin suláj guovte gierde ienep álmmá gudi duodaj galgalulun diabiehtajn diagnostisieriduvvat gá buohtastahttá galles oadtju giehtadallamav dan diehti. Navti 1 aj nissunij vuoksuj, valla ij sæmmi állo suohkanijn gá álmmáj vuoksuj. Ajtu vuojnnep ienemus suohkanijn hiehpi dá guokta dáhtágáldo aktij mij guoská makkir suohkana li baddjen ja makkir suohkana li vuollen oassen. Danen gá dán gávvusin dåssju lip mihttim diabiehtta SAMINOR 2:en HbA1c baktu ja ep la diabiehta iesjdiededibmáj gehtjadam, de li ihkpa tállea vehi vuolebun gá mij la duohta. Nággin gallegasj diabetihkkára soajttá nav buoragit vuorbástuvvam giehtadallamij ja iellemvuohkemålssomijen váj sijá HbA1c-árvo li vuollelin 6,5 % SAMINOR 2 tálajt ij máhte njuolggá buohtastahttet Reseptregisstara tálajda danen gá mijá oassálasste li vehi vuorrasabbo. SAMINOR 2 oassálasste lidjin álldarin 40-79 jage, madi Reseptregisstarin li ulmutja gudi li 30-74 jagága. Duodden la miján alep oassálasstem prosentaj milta vuorrasap áldarjuohkusij gá nuorap, sierraláhkáj álmmáj gaskan, danen li mijá oassálasste ájn vil vuorrasappo. Duodden e gájka diabetihkkára diabiehtta-dálkkasijt ane. Dá vidjura muhtem mudduj máhhti tjielggít ieridisájt guovte ájnas dáhtágáldo gaskan. Ajtu la oasse diabiehtajn ilá allak moatten dájs rabdaguvlo suohkanijn.

SAMINOR 2-oassálasste li állessjattuga álldarin 40-79 jage. Jus la nuorap gá 40 jage de la dujna unneq risska oadtjot diabiehtta sládja 2, ja jus la nuorap gá 30 jage de skihpudahka vargga ij gávnnu. Vájku álldara milta divudip de la diabiehtta sládja 2 SAMINOR 2:en ienep dábálasj gá vuona álmmugin ábbálattjat áldarjuohkusin 30-89 jage (6,8 %-7,5 %) (8), sierraláhkáj álmmáj vuoksuj.

### Ienep diabiehtta 10 jage nalluj

Ietjá miellagiddis gatjálvis varresvuodabarggijda la makta skihpudagá lassáni, li sæmmi dásen jali binnu ájge bále. Gávnnusa ábbálattjat (dat oasse álmmugis genna 1 nággin skihpudahka) soajtti lassánit jus sjaddi ienep vuoras ulmutja (jus risska skihppát lassán vuorastime milta, degu la diabiehtta sládja 2:ijn), jus pasienta guhkebu viessu skihpudagájn jali jus ienebu skihppáji. Danen la ájnas gehtjadir ádá dáhpádusájt ma badjáni vissa ájggudagán, da gahtjoduvvi insidenta dáhpádusá. SAMINOR-guoradallama tjadá lip guoradallam ulmutijt gudi oassálasstin sihke SAMINOR 1:an ja 2:en ja gehtjadam lip galles sijájs oadtjun diabiehtta ájggudagán guoradallamij gaskan (14). Tabælla 2 vuoset man stuorra oasse (%) oassálasstijs gudi oadtjun diabiehtav sládja 2 birrusij 8 jagij badjel.

	Man vuoras gå lij SAMINOR 1	Gájka, % (galles)	Ij sábme, % (galles)	Sáme, % (galles)
Álmmå	30, 36–52 jage	5,0 (34)	4,4 (17)	5,8 (17)
	53–71 jage	8,3 (62)	7,9 (36)	9,3 (26)
	Tjoahkkáj	6,7 (96)	6,3 (53)	7,5 (43)
Nissuna	30, 36–52 jage	3,5 (34)	3,1 (17)	4,1 (17)
	53–71 jage	8,1 (69)	8,0 (44)	8,3 (25)
	Tjoahkkáj	5,6 (103)	5,5 (61)	5,9 (42)

Tabælla 2: Risska oadtjot diabetes mellitus SAMINOR 1 ja SAMINOR 2 gaskan. Tjoahkkáj lidjin 3249 álmmå ja nissuna analísan. Tálla tjielggiji galla ádå dáhpádusá lidjin ja %-oasse gudi oadtjun diabiehtta sládja 2. Dá båhtusa li ávddåla dáppe almoduvvam: Naseribafruei et al. (14) <https://doi.org/10.1186/s12902-019-0399-7>, © Forfattere, lisensiert under CC BY 4.0.

Dánnu vuojnneq dan 3249 ulmutja gaskan gejt tjuovojma gasskamærrásattjat 8 jage badjel, de dåssju 7,5 % sáme álmmájs ja 6,3 % dåttjajs oadtjun diabiehtta sládja 2. Nissunij gáktuj lidjin 5,9 % sáme nissuna ja 5,5 % rivggojs gudi oadtjun diabiehtav sládja 2. Da ieridisá li smáve, ja ejma ga gávna ieridisájt sámij ja dåttjaj gaskan ádå diabiehtta-skihppijs (insidens) gávtse jage gávdan dán låge suohkanin.

## Tjoahkkájgæsos

SAMINOR 1 ja SAMINOR 2 lågo vuosedi diabiehtav sládja 2 málssu dan milta gáktu mihti, valla ábbálattjat vuosedi SAMINOR båhtusa diabiehtta-lågo li muodástuhitte allaga mijá moattetjerdalasj álmmuga gaskan nuorttalín. Nágín analísa vuosedi sámijn la ienep ávddådiabiehtta ja diabiehtav sládja 2 gå ietjá viesáda daj sæmmi geografijjalasj guovlojn. Gienä, alla áldar ja tjerdalasjvuhta li faktávrå ma vágkudi risskj oadtjot diabiehtav sládja 2, valla daj ij heva ráddi. Ietjá vidjura ma máhhti binnedit riskav oadtjot diabiehtav sládja 2 jali skihpudagáv kontrálla vuolen anedit: varres ja vuogas biebmo, labudallat ja ij ilá buojjdot jali binnedit dættov jus juo la buojdde. Buorre hierediddje dájma máhhti liehket jut suohkana varresvuodadievnastusá, varresvuodaskihppijsuittára, skâvlâ, iellem-vuohkeguovdájtja ja luojvoj siebre aktan manni dilev lájtjájt dáhpádusájda majda moadda áldarjuohkusa ja dáse bessi sæbrrat.

Sæmmi bále la ájnas tjuovvolit diabiehta lågojt moattetjerdalasj álmmuga gaskan nuort-talin vijddásappot ávddåljj guovlluj ja lagábut gehtjadit álmmugav vijddáp geografijjalasj guovlon. Danen sjaddá diabiehtta guovdásj ássjen aj SAMINOR 3 guoradallamin. SAMINOR 3 ádå gávnusij siegen, máhttá mijá dutkam aneduvvat værtsagin váj åttjudip hiebadum varresvuodadievnastusájt sáme ja moattetjerdalasj suohkanij.



## Referánsa

1. Anderson I, Robson B, Connolly M, et al. Indigenous and tribal peoples' health (The Lancet-Lowitja Institute Global Collaboration): a population study. *Lancet* 2016;388(10040):131-57. [https://doi.org/10.1016/S0140-6736\(16\)00345-7](https://doi.org/10.1016/S0140-6736(16)00345-7).
2. Naqshbandi M, Harris SB, Esler JG, et al. Global complication rates of type 2 diabetes in Indigenous peoples: A comprehensive review. *Diabetes Res Clin Pract* 2008;82(1):1-17. <https://doi.org/10.1016/j.diabres.2008.07.017>.
3. Helsedirektoratet. Nasjonale faglige retningslinjer for diabetes. Oslo: Helsedirektoratet, 2016. (sist faglig oppdatert 16. mars 2021, lest 12. mai 2021). [Tilgjengelig fra: <https://www.helsedirektoratet.no/retningslinjer/diabetes>].
4. Berg JP. HbA1c as a diagnostic tool in diabetes mellitus. *Norsk Epidemiologi* 2013;23(1):5-8. <https://doi.org/10.5324/nje.v23i1.1596>.
5. Stene LC, Ruiz PL, Åsvold BO, et al. Hvor mange har diabetes i Norge i 2020? *Tidsskr Nor Laegeforen* 2020;140(17). <https://doi.org/10.4045/tidsskr.20.0849>.
6. International Diabetes Federation. IDF DIABETES ATLAS 9th edition 2019. GLOBAL Fact sheet. [Tilgjengelig fra: [https://diabetesatlas.org/data/upload/download/global\\_factsheet\\_en.pdf](https://diabetesatlas.org/data/upload/download/global_factsheet_en.pdf)].
7. Saeedi P, Petersohn I, Salpea P, et al. Global and regional diabetes prevalence estimates for 2019 and projections for 2030 and 2045: Results from the International Diabetes Federation Diabetes Atlas, 9th edition. *Diabetes Research and Clinical Practice* 2019;157:107843. <https://doi.org/10.1016/j.diabres.2019.107843>.
8. Ruiz PLD, Stene LC, Bakken IJ, et al. Decreasing incidence of pharmacologically and non-pharmacologically treated type 2 diabetes in Norway: a nationwide study. *Diabetologia* 2018;61(11):2310-8. <https://doi.org/10.1007/s00125-018-4681-4>.
9. Nystad T, Melhus M, Brustad M, et al. Ethnic differences in the prevalence of general and central obesity among the Sami and Norwegian populations: the SAMINOR study. *Scand J Public Health* 2010;38(1):17-24. <https://doi.org/10.1177/1403494809354791>.
10. Broderstad AR, Melhus M. Prevalence of metabolic syndrome and diabetes mellitus in Sami and Norwegian populations. The SAMINOR—a cross-sectional study. *BMJ Open* 2016;6(4):e009474. <https://doi.org/10.1136/bmjopen-2015-009474>.

11. Naseribafruei A, Eliassen BM, Melhus M, et al. Ethnic difference in the prevalence of pre-diabetes and diabetes mellitus in regions with Sami and non-Sami populations in Norway – the SAMINOR1 study. *Int J Circumpolar Health* 2016;75:31697. <http://doi.org/10.3402/ijch.v75.31697>.
12. Hansen KL. Ethnic discrimination and health: the relationship between experienced ethnic discrimination and multiple health domains in Norway's rural Sami population. *Int J Circumpolar Health* 2015;74:25125. <https://doi.org/10.3402/ijch.v74.25125>.
13. Naseribafruei A, Eliassen BM, Melhus M, et al. Prevalence of pre-diabetes and type 2 diabetes mellitus among Sami and non-Sami men and women in Northern Norway – The SAMINOR 2 Clinical Survey. *Int J Circumpolar Health* 2018;77(1):1463786. <https://doi.org/10.1080/22423982.2018.1463786>.
14. Naseribafruei A, Eliassen BM, Melhus M, et al. Estimated 8-year cumulative incidence of diabetes mellitus among Sami and non-Sami inhabitants of Northern Norway – The SAMINOR Study. *BMC Endocr Disord* 2019;19(1):66. <https://doi.org/10.1186/s12902-019-0399-7>.

*Kapittel 7: <https://doi.org/10.7557/7.6469>*